

ӨВС ХАДЛГЪНД

Өрүн төвшүн салькнд
Өвснә бүүчрмүд шимлднә,
Өргн, у теегм
Өдр болгън кеернә.
Саглрдж ургъсн ногъан
Сала болгъар көкрнә.
Батар унтсн көвүдиг
Багъчудин толгъач серүлнә.
Шууглди өсрдж босад,
Шулун хотан уулдв.
Шарлджта бөөргин цаагъас
Шарлад нарн бултав.

Талвадж кевтсн теегүр
Тачкнад машид орв,
Темән, мөрд бас
Тергдт дарунь татгдв.

Көк, шимтә өвсәр
Көвүд скирдс кенә,
Күүкд адгъдж зөөгъад,
Күргад фермдән буулгъна.

Мана дүүвр багъчуд
Малдан хот белднә.
Кезад чигн зүткәд
Келсн үгдән күрнә.

Н. ТИМАСОВ.